

Дунёда ота-онасини мусулмонларчалик ҳурмат қиладиган миллат бўлмаган



15:14 / 13.12.2022 2597

Дунёда ота-онасини мусулмонларчалик ҳурмат қиладиган миллат бўлмаган

Немис шарҳловчиси Қатарда ўтаётган ЖЧ-2022 да марокашлик футболчилар ўйиндан сўнг ўз оналарини қучоқлаб ўпгани, ҳар бир ўйиндан кейин сажда қилишларига эътибор қаратди.

«Биз ғарб жамиятимизда қалин оилавий ришталарни ортиқ кўрмай қўйдик. Оила концепцияси йўқ бўлиб кетмоқда, биз футболдан кейин моделлар ёки дугоналарини ўпаётган футболчиларни кўрамиз, ваҳоланки, ўша лаҳзада баъзи футболчиларнинг ота-оналари қариялар уйида бўлади.

Марокашнинг ғалабаларида оила-аъзоларининг маънавий қўллаб-қувватлашлари муҳим роль ўйнади, биз эса бу ерга ЛГБТни қўллаш учун келиб, оғзимизни кафтимиз билан ёпдик.

Биз уларни (марокашликларни) футбол ўйнашга ўргатдик, улар биздан ҳам ўзиб кетишди, энди улардан этика ва оилавий қадриятларни ўрганишимиз керак. Шунда қачондир бизнинг ўйинчиларимиз ҳам ота-онасининг пешонасидан ўпаётганига гувоҳ бўлармиз», - дея ёзади немис шарҳловчиси.

Аллоҳ таоло ота-онага яхшилик қилиш борасида шундай марҳамат қилган:
يَا أَيُّهَا الَّذِينَ آمَنُوا إِذَا دُعِيَ إِلَىٰ عَائِلَتِكُمْ فادْعُوا لَهُمْ وَلَا تُغْلِبُوا فِي الدِّعَاءِ كَذَلِكَ يَتَبَيَّنُ لَكُمُ الْإِسْلَامُ الَّذِي كُنْتُمْ تُكْفِرُونَ

«Аллоҳга ибодат қилинглари ва Унга ҳеч нарсани ширк келтирманглари. Ота-онага, яқин қариндошга, етимларга, мискинларга, яқин қўшнига, ён қўшнига, ёндаги соҳибга, йўқсил йўлчига ва қўлингизда мулк бўлганларга яхшилик қилинглари. Албатта, Аллоҳ димоғдор ва мақтанчоқ кимсани суймас» (Нисо сураси, 36-оят).

Ислонда ота-онага яхшилик қилиш катта иш, эътиборга молик амал экани ҳаммага маълум. Ҳар бир инсоннинг дунёга келишига сабаб бўлган бу улуғ зотларнинг ўз фарзандларидаги ҳақлари, фарзандларнинг ота-она олдидаги бурчлари ҳақида Қуръони Каримда ва Набий соллаллоҳу алайҳи васалламнинг ҳадисларида келган таълимотлардек олиймақом таълимотлар инсоният тарихида ҳеч бир дин, тузум ёки фалсафада кўрилмаган!

Дунёда мусулмонларчалик ота-онасини ҳурмат қиладиган халқ, миллат ҳам бўлмаган! Ушбу оятда ҳам Аллоҳ таоло мусулмонларга Ўзининг тавҳидидан сўнг бевосита ота-онага яхшилик қилишга буюрмоқда.

Бошқа бир оятда:

وَلْيُحْسِنُوا كَلِمَاتِهِمْ لِكَلِمَاتِهِ وَلَا يَكْفُرُوا بِمَا كَانُوا يَكْفُرُونَ

«Ва инсонга ота-онасига яхшилик қилишни тавсия қилдик. Агар улар сенинг ўзинг билмаган нарсани Менга ширк келтиришинг учун ижтиҳод қилсалар, бас, уларга итоат қилма. Қайтишларингиз Менгадир. Бас, сизларга қилган нарсаларингизнинг хабарини берурман» (Анкабут сураси 8-оят).

Демак, ота-она номига сазовор бўлган шахс борки, динимизда улар эҳтиромга лойиқ зотлар сифатида қадрланади. Ота-онани рози қилиш бу дунёда ҳам, охирада ҳам фақат ва фақат яхшиликка сабаб бўлишини унутмаслик лозим.

Аллоҳ таоло барчаларимизга ота-оналаримизни рози қилиб, Ўзининг розилигига эришмоғимизни насиб қилсин!

Фойдаланилган манбалар:

«Тафсири Ҳилол» китоби

Muslim.uz сайти

Tribuna.uz телеграм канали